

## **Protocol da la radunanza generala dals 2 december 2021, a las 20.30 illa chasa cumünala Misoch**

### **Preschaints**

Christian Poo, Jon Buchli, Andri Poo, Sabina Stricker, Mario Rauch, Braidia Pinggera, Cristian Juon, Cla Rauch, Annatina Nuotclà, Armon Nuotclà, Roland Franziscus, Madlaina Franziscus, Annursina Zini, Tina Weiss, Andri Gritti, Elisabeth Sarott, Cla Sarott, Dumeng Jann, Marina Jann, Chasper Alexander Felix, Reto Rauch, Georg Buchli, Andri Linsel, Cristina Gregori

### **Tractandas**

1. salüd dal president e s-chüsas
2. tscherna scrutinadurs
3. protocol da la radunanza generala 2020
4. rapport annual dal president
5. rapport da la chaschiera e dals revisurs da quint
6. rapports dal schef da cuorsa, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

### **1. salüd dal president e s-chüsas**

A las 20.30 po il president Christian Poo salüdar a 24 commembras e commembers. S-chüsats s'han Dominique Benderer, Coni Benderer, Monika Roner, Nataglia Roner, Fluri Pinggera, Fabiana Wieser, Chasper Valentin, Nesa Valentin, Marco Laurent, Christoph Weiss, Curdin Preuss, Jon Pua, Anna Barbla Buchli, Not Buchli, Gianna Rauch, Selina Poo, Rico Zini, Jan Sedlacek, Chasper Buchli, Flurina Jann, Gian Caviezel, Plasch Caviezel, Corina Caviezel, Men Caviezel e Ruedi Bisang.

L'invid es gnü tramiss tenor statüts, uschè cha la radunanza es abla da trar decisiuns.

### **2. tscherna scrutinadurs**

Sco dombravuschs vain elet Cristian Juon.

### **3. prelecziun dal protocol da la radunanza generala 2020**

Il protocol da la radunanza generala 2020 es gnü tramiss insembel cul invid. El vain approvà sainza cuntravuschs. Cla Sarott fa la proposta chi's dessa dar cuntschaint in avegnir in alch maniera eir chi chi'd es preschaint a la radunanza e na be ils s-chüsats. Il president piglia incenter quist giavüsich.

### **4. rapport annual dal president**

Il president rapporta davart l'inviern passà. Eir quel resta in memoria pervi da la situaziun speciala cul virus da corona. Las commembras e'ls commembers han predschè chi s'ha tscherchè soluziuns alternativas e pudü realisar tuot il program d'inviern previs. Per part s'haja stuvü adattar ils arrandschaints da maniera chi d'eiran confuorms a las reglas da corona. El ingrazcha a tuots pella bella partecipaziun a tuot las occurrenzas. Causa quella pudaina eir adüna profitar dad ün contribuziun da CHF 1500.- dal cumün.

El rapporta davart ils arrandschamaints dal club: il tir da tschoccas a Sur En, las cuorsas dal club in ün möd ün pa special, la gita sü Niruns, l'organisaziun d'occurrenzas culs clubs vaschins (coppa mundiala dad ir cull'assa), la Stafetta tras Sent e la Traversada. Pro la stafetta e d'ürant ün concert da la Società da musica Sent sun gnüdas organisadas eir ustarias davart dal club. Las radunanzas dal BSV e SwissSki han gnü lö darcheu da maniera regulara. La radunanza dal RPN nun ha amo gnü lö causa müdamaints structurals. Il passlung Martina – Scuol nun ha gnü lö quist on causa corona.

Eir l'OJ da Nordic Scuol e l'OJ Motta Naluns vegnan sustgnüts da nos club.

Per finir seis pled ingrazcha il president a sia collega e seis collegas dal comité ed a tuot ils commembers per lur sustegn. El giavüscha a tuots ün bel inviern cun blera naiv e sainza accidaints.

## **5. rapport da la chaschiera e dals revisurs da quint**

Quist on serra giò il quint cun ün guadogn da CHF 2'412.80. Il chapital agen importa uossa CHF 28'892.33. Quist guadogn es fich allegraivel.

La revisura da quint Braida Pinggera e'l revisur Chasper Buchli han revais il quint. Quel vain fat bun cun dar dis-charg als organs respunsabels.

In quist'occasiun vegna darcheu decis cha la suprastanza possa dispuoner d'ün import da CHF 1000.- chi sta illa cumpetenza da decider dal comité sves.

A la chaschiera pertocca ün ingrazchamaint per tuot sia lavur instancabla.

## **6. rapports dal schef da cuorsa, schef da turas, delegià Traversada e Stafetta tras Sent**

Il schef da cuorsa Jon Buchli, rapporta davart la cuorsa dal club modifichada causa corona chi ha gnü grond success. Causa corona nun ha gnü lö üna cuorsa regulara. Minchün chi laiva, ha gnü la pussibilità dad ir 2 jadas tras las portas missas giò tanter la Chamonna Naluns e Jonvrai. Il böt d'eira dad ir giò tuottas duos jadas listess svelt. Guadagnà nun ha quel chi d'eira il plü svelt, dimpersè quel culla plü pitschna differenza da temp tanter ils duos parcuors. 48 curriduras e curridurs han fat part da quist arrandschamaint, da quels d'eiran 12 famiglias. Il passlung nun ha gnü lö quist on. El ingrazcha fich a Roland Franziscus chi piglia fingià daspö lösch il temp per nossas concurrenz.

Il schef da turas, Andri Poo po comunicar chi s'haja pudü far d'ürant l'inviern passà 2 turas ufficialas. Üna sül Malmurainza cun fich bell'ora e gnü la pussibilità da far la skiada fin giò Martina. La seguonda tura cun main bell'ora e na uschè bunas relaziuns da naiv sül Spi da Tuoi ed our da Val Tasna. Quist inviern esa darcheu previs da far duos gitas. Las datas provisoricadas sun publichadas sül plan da l'on. In cas da spostamaints gnissan quels publichats illa chaistina chi's rechatta dadaint l'entrada dal Sport Champatsch.

Il president prelegia il rapport da la stafetta causa cha Nataglia Caviezel nun ha pudü esser preschainta. La 38avla Stafetta tras Sent ha funcziunà fich bain, eir causa il sustegn dal team da l'ustaria. I s'ha darcheu fat tragets cuorts per promover eir a famiglias cun uffants pitschens. I s'han partecipadas 22 squodras. Ella ingrazcha implü a tuot quellas chi han fat tuortas pell'ustaria, a Roland Franziscus chi piglia il temp, sco eir a Nesa Caviezel ed Ivonne Taverna sco samaritans chi füssan quia per cas urgiants.

Avant co dar il pled al nouv delegià da la Traversada ingrazcha il president al comité vegl da la Traversada e surdà ad els ün regal per tuot lur lavur. Il grond applaus demuossa cha'ls commembers han predschà lur grond lavur chi han prestà tuot quists ons. La suprastanza dal club ha pudü giodair quista stà ün bel evenimaint in Chavriz Grond, insembel cul nouv e'l vegl comité da la Traversada. In algordanza la vegl comité as rechatta ün bankin sül Cuolmen Fenga. Reto Rauch rapporta davart la Traversada chi ha pudü avair lö adonta da corona. Cur chi vaivan dat la pussibilità in marz da s'annuzchar pella Traversada, nu's vaiva ingün'idea co chi guardarà lura propcha oura in lügl. I s'ha però pudü realisar la Traversada bod sainza obstaculs da corona. L'unic chi s'ha evità es da far recloma e metter contribuziuns in medias socialas ed i s'ha stuvü limitar il nomer da partecipants sün 80 causa capacitats da corona illa chamonna Sesvenna. Finalmaing han 78 partecipantas e partecipants ragiunt il böt e sun rivats illa Sesvenna.

## **7. mutaziuns ed onurificaziuns**

Sco novs commembers vegnan bivgnantadas las seguaintas persunas: Isai Noe Näff e Sara Rauch.

Sortida da la società es Ladina Guler.

Ils seguaints commembers dvaintan commembers libers causa chi sun fingià daspö 40 ons commembers dal Club skiunzs Sent: Annatina Nuotclà, Anna Barbla Buchli e Jon Pua.

Daspö 25 ons commembers e veterans dvaintan Seraina Riatsch, Mario Riatsch, Chasper Valentin e nos president Christian Poo.

## **8. tschernas**

Tenor statüts ston gnir reelets d'ürant ils ons dispêrs l'actuar e'l schef da cuorsa. Jon Buchli e Mario Rauch as mettan a disposiziun per ün'ulteriura perioda d'uffizi e vegnan reelets cun applaus. Jon Buchli survain ün regal per sustgnair al club fingià d'ürant 15 ons in sia funcziun da suprastanza. El survain ün grond applaus per tuot seis ingaschamaint.

Uschè as cumpuona il comitè inavant seguaintamaing:

president:	Christian Poo
actuar:	Mario Rauch
chaschiera:	Sabina Stricker
schef da cuorsa:	Jon Buchli
schef da turas:	Andri Poo

revisurs da quint: Braida Pinggera e Chasper Buchli

## **9. fixar contribuziun annuala**

La contribuziun annuala vain fixada sün CHF 25.- per persunas sainza commembranza da Swiss-Ski. Ils commembers cun commembranza da Swiss-Ski pajan CHF 50.-.

## **10. program da l'on**

Il program da l'on es gnü protramiss e vain preschantà dal president. El manzuna cha novas ideas sajan adüna bainvissas e dessan gnir dattas inavant ad el.

## **12. varia**

Il president manzuna cha'l comitè haja decis da sustgnair eir a giuvenils chi nu sun aint ill'organisaziun RPN e sun in otras structuradas organisadas cun imports congualabels da quels chi s'ha pel RPN. Da quist sustegn profitan pel mumaint Valeria Benderer (RPN), Marina Benderer, Isai e Noe Näff e Fabiana Wieser. Quai as prevezza eir da far inavant, scha las finanzas permettan quai.

A Cla Rauch ingrazcha il president per sia lavur da comunicaziun culla pagina d'internet e surdà ün regal per arcugnoscher quista lavur. Roland Franziscus survain ün regal per seis sustegn sco tempader. Marlies Zimmermann, Curdin Preuss e Buolf Näff han sustgnü als OJ's sco trenaders o cun far la contabilità e survegnan eir ün pitschen preschaint dal president.

Ils commembers nu fan adöver da far dumondas o dar impuls suot varia.

A las 21.30 serra il president la radunanza ed ingrazcha a tuots pella preschentscha.

L'actuar

Mario Rauch